

Izjava OHR-a na konferenciji za medije međunarodnih organizacija

Visoki predstavnik i generalni sekretar NATO-a

Visoki predstavnik Paddy Ashdown sastat će se sa novim generalnim sekretarom NATO-a Jaap de Hoop Schefferom danas u 14:40 sati. Ovo je prva posjeta Bosni i Hercegovini gospodina de Hoop Scheffera od imenovanja za generalnog sekretara NATO-a. Snimatelji će imati priliku da zabilježe početak sastanka u OHR-u. SFOR će vam dati više detalja oko posjete gospodina de Hoop Scheffera.

Od posljednje posjete visokih zvaničnika NATO-a, ova zemlja se primakla korak bliže članstvu u "Partnerstvu za mir" usvajanjem skoro cijelog neophodnog zakonskog paketa iz oblasti odbrane. Sada treba da dođe do imenovanja ministra odbrane BiH i zamjenika ministra odbrane BiH, do početka februara, i da BiH ispuni druge uslove za "Partnerstvo za mir" prije NATO samita u Istanbulu.

Viši zamjenik visokog predstavnika u Mostaru

Viši zamjenik visokog predstavnika Werner Wnendt će u petak otputovati u Mostar kako bi razvio dijalog među političkim liderima u regiji sa ciljem postizanja koncenzusa o uspostavljanju jedinstvene gradske uprave sa zagwarantovanom podjelom vlasti. Ambasador Wnendt će se sastati sa predsjedavajućim klubova u Gradskom vijeću i predstavnicima političkih stranaka kao i sa predstavnicima kulturnih udruga u Mostaru. Nakon ovih sastanaka ambasador Wnendt će se susresti sa poduzetnicima iz regiona Hercegovine te predstavnicima udruge prognanika.